

Compositor y Musico Arubano Rufo Wever **Pionero di Musica y Cultura Arubano y co-compositor Aruba Dushi Tera** **1917-1977**

En conexon cu nos dia nacional nosta recorda cu na aña 1952 Rufo Wever hunto cu su gran amigo musico y compositor Padu Lampe a compone e himno nacional na Aruba.

E tempo ei e idea a nace como no ta tin un cantica na Papiamentu cu por a uza durante aubadenan y otro dianan importante pa Aruba. Tabata tin un cantica na Hulandes cu tabata wordo uza hopi, cu tabata un traduccion di un di cancion existente di Hulanda y cu palabranan adapta pa Aruba. Asina a nace e cantica Aruba Dushi Tera cu despues a wordo declara himno di Aruba. Aki ta sigui un mini biografia di e compositor Rufo Wever. Dia ocho di december 1917, Rufo a nace na Wilhelminastraat 33, Oranjestad, Aruba, e primogenito di e matrimonio di Shon Leonila Maria Annette Lampe

Babijn y Civiles Marcial Wever Everts. E pareha tabata bin di famianan acomodada y Civiles tabata un contratista, constructor di edificionan, di barconan y ebanista. Don Civiles tabatin un mente tecnico pero tambe tabata gusta musica y tabata toca clarinet y cuarta. Net prome cu Rufo a cumpli 6 aña, Rufo a haya un sinfonia di boca regalo y den un par di dia ela sorprende su famia cu e por a toca un cantica cu tabata na moda su mes y sin ningun ayudo. Rufo su tata a keda masha impresionado y entusiasmo y mesora a compra un piano y a contrata e conocido maestra di musica di Corsow, Shon Shishi Rodriguez Timmer pa Rufo. Sra. Rodriguez a cuminsa siña Rufo e conocimiento di musica en general. Manera cu Rufo a haya e piano e mes tabata practica ariba dje. Tempo cu Rufo

ta tin apenas 10 aña su tata a fayece repentinamente y a laga Rufo y su tres otro rumannan huerfano. Su mama Shon Annette, un dama di caracter fuerte y semper cu un conducta corecto a sigui e luchapa hiba su famia padilanti. Aki el a haya e sosten financiero di su famia. Tempo cu Rufo ta tin 12 aña ya e por a toca piano na un manera admirable. Tambe el a siña su mes saxofon, guitarra, cuarta, clarinet y otro instrumentonan ritmico.

Tempo cu Rufo ta tin 15 aña el a lanta e orkesta musical "Melody Band" hunto cu su amigonan: Tom Lampe (violin), Wewe Croes (violin), Boysie Lampe (violin), Twai Croes (trompet), Clemente Lacle (drum), y Rufo na piano. Despues tambe a join e grupo Padu Lampe, primo segundo di Rufo, y aki a cuminsa nan amistad. Nan 1935, inspira dor di e famoso compositor



y cantante Argentino Carlos Gardel cu a bishita Aruba e aña ei, y cu Rufo a haya un oportunidad pa actua hunto cune, Rufo a lanta su grupo di tango "Los Trovadores Tropicales" hunto cu su amigonan Clemente Lacle (cantante) y guitaristanan: Harold Hopmans, Carlos Booi, Jan Croes y Shemmi Coronel. E conhuntito aki tabata e prome conhuntito musical di Aruba cu a toca na un radio na Corsow, Radio Curom. Inicio como Compositor Aña 1935 tabata un aña di hopi nificacion pa historia musical, Rufo a compone na edad di 18 aña, su prome wals "Arubanita" y e composicion aki a cuminsa e era di composicionnan Arubano moderno. E composicion aki a bira asina conoci y gusta cu te awe despues di 67 aña di su composicion e ta sigui ta un di e composicionnan mas toca den historia musical di Aruba. El a wordo toca y graba pa un variedad di artistanan y cu hopi frecuencia por tende na radio y television. E tabata e prome wals, Arubano y Antiano, cu un miembro di Cas Real, Reina Juliana, a balia riba dje.

E composicion di "rubanita" tin su nificacion historico y cultural pa Aruba, pasobra e ta e prome composicion cu su autor ta conoci y cu te ainda ta wordo graba y toca.

Despues di su prome composicion a sigui un sin fin di composicionnan refina y cu un

sabor picante. Entre otro e famoso wals di tres parti "Encantadora", su di dos wals, e wals compleho "Annette" den tres parti dedica na su mama. E wals "Aruba", bunita y elegante e ta representa e gran dignidad di e pueblo di Aruba. E wals "Antillenhuis" ela dedica na e minister Arubano y su gran amigo Wim F.M. Lampe.

Rufo su amor pa su isla ta obvio ora ripara cuanto biaha ela usa e nomber Aruba: wals "rubanita", wals "Aruba", himno "Aruba dushi Tera", tumba "Aruba Tera Bunita", "Mambo di Aruba", wals "Mi Aruba Stima".

Tambe tabatin algun composicion cu su gran amigo y colega Padu Lampe: E tumba "Chanita" cu letra di Hubert Booi, e inmortal calypso "Carnaval" di aña 1954 cu a bira famoso cu e cantante Edwin Zichem y naturalmente e himno nacional di Aruba "Aruba Dushi Tera" composita na 1952 y graba pa prome bes den version di orkesta na Venezuela pa e orkesta di Don Anibal Abreu.

Un Don Musical

Compone tabata facil pa Rufo y a sigui un total di mas o menos 400 composicion. Di esaki mas o menos 100 ta composicionnan completo pa piano o orkesta y 300 ta composicionnan y arreglo pa caha di orgel.

tres parti dedica na su mama. E wals “Aruba”, bunita y elegante e ta representa e gran dignidad di e pueblo di Aruba. E wals “Antillenhuis” ela dedica na e minister Arubano y su gran amigo Wim F.M. Lampe.

Rufo su amor pa su isla ta obvio ora ripara cuanto biaha ela usa e nomber Aruba: wals “rubanita, wals “Aruba”, himno “Aruba dushi Tera”, tumba “Aruba Tera Bunita”, “Mambo di Aruba”, wals “Mi Aruba Stima”.

Tambe tabatin algun composicion cu su gran amigo y colega Padu Lampe: Etumba “Chanita” cu letra di Hubert Booi, e immortal calypso “Carnaval” di año 1954 cu a bira famoso cu e cantante Edwin Zichem y naturalmente e himno nacional di Aruba “Aruba Dushi Tera” composita na 1952 y graba pa prome bes den version di orkesta na Venezuela pa e orkesta di Don Anibal Abreu.

Un Don Musical

Compone tabata facil pa Rufo y a sigui un total di mas of menos 400 composicion. Di esaki mas of menos 100 ta composicionnan completo pa piano of orkesta y 300 ta composicionnan y areglo pa caha di orgel.

Hopi di e composicionnan pa caha di orgel Rufo a uza e number artistico A.N. Tillano. Rufo su composicionnan ta inclui : wals, tumba, bolero, samba, mambo, porro, merengue, dansa, mazurka, polka y calypso. Tambe ta di importancia pa menciona cu ademas di compositor, Rufo tabata areglista y tur e areglonan e tabata haci su mes. Semper Rufo tabatin un of otro melodia den su cabe, pesei

tabata wordo existi di e muchanan di famia pa no haci ningun ruido, pasobra esaki por causa ca Rufo ta perde e melodia di e composicion cu e tabata bezig cune. Den un entrevista sostiene cu Rufo na 1968 ariba e pregunta cu di tur su composicionnan cual ta su faborito, e contesta tabata rapido: e wals “Encantadora”. Na edad di 21 año Rufo a cuminsa cu e trabou di caha di

orgel. Aruba conoce awe mas of menos 106 año di musica di caha di orgel, pero Rufo tabata e prome persona cu a cuminsa traha e cilindernan pa e caha di orgel na Aruba y el a haci esaki pa 33 año. Anteriormente e cilindernan tabata bai Corsow. E hecho aki tambeta duna Rufo Wever un lugar especial den historia di musica folclorico di Aruba. Na 1941 den un accidente fatal Rufo a perde su

brasa robes, apesar di e tragedia aki den su bida el a supera esaki y el a keda compone y toca piano cu un brasa artificial cu e mes a diseña y cu a wordo trahapena Alemania. Dia 30 di December 1977, apesarcu Rufo su salud a bai atras, toch el a fayece inespera di un pulmonia. Aruba y Antia a perde un di su musiconan di mas grandi, e pionero di e musica y cultura moderno di Aruba. Pa

studiantenan y interesadonan di musica y musiconan di Antia pormira e bunita website cu tin informacion na Hulandes di e compositornan Arubano Padu Lampe y Rufo Wever books.caribseek.com bou di “Muziek en Musici van de Nederlandse Antillen.

